

甬上水利志



序

勾角為古於越區瀕江帶海居
斥鹵之最下所疇交錯每若灌
輸之難自唐王陸兩邑合築
它山堰濬為金湖而郡城江東

南水利志

序

一

西之水咸有所蓄洩遂無以旱潦
為虞者歷來賢守土官浚相其
高下度其陰陽什堤堰防障以
通塞其要官而勾角上水利始
有備而無患焉沿革既久多荒

廢不治民乃復以艱食為憂後
將取此固稽并前賢之功勳盡
泐之是亦誰之責也周廣文分國
留心掌故其於湖梁利弊尤壯考
證詳明如宋元五志而可著書

南天利志序

二

六卷凡堤堰之屬志因乎流之經
肩列其下蓋體例本潘氏江防
一覽而無遺無漏信而有徵其碑
文豫論之可採者亦附之真可謂
善而美者矣余攝守是郡方有

潛錢湖興復為詭磔之役而合國
遂成是書沈余序其首而程里
賢士人不患地方事之不可為也
水利一尚尤矣乎民食之大者哉因
論列其大旨而應之時

甬上水利志序

道光二十八年十月

徐敬讓

欽加道銜嘉興府知府署寧波府事調
授杭州府知府臨川徐敬讓



甬上水利志目錄

卷一

城內河渠 水則喉閘橋梁附

清瀾池

日湖

月湖

卷二

東鄉三塘河 橋梁硨閘附

茅山河渠 橋梁附

甬上水利志

目錄

卷三

東錢湖 塘堰硨閘附

大嵩河渠 塘壩硨閘附

卷四

南鄉河渠 橋梁硨閘附

卷五

西鄉河渠 橋梁硨閘附

十字港 橋梁

舊廣德湖

顏公渠 橋梁附

卷六

鄞江 橋梁江塘堰壩附

慈谿江

奉化江

甬上水利志

目錄

二

甬上水利志

周道遵攷述

介園



卷一

前守之留意水利者莫如吳正肅公故所著開慶志於創建硤閘並載碑記延祐志今闕三卷河渠適在闕中王元恭稱其於兩湖言之最詳惜無從見之至正志凡舊乘所已具者皆畧不書而增補亦甚周悉多與魏峴書相表裏成化嘉靖二志似於水利備覽未及一閱者聞志體裁割裂湖潭溪渡隄堰硤閘各

甬上水利志

卷一

一

以類從夫水利當誌其源流而隄堰硤閘之設則隨河流所經詳其遠近俾覽者得稔其形勢之所在豈特分載其名而已邱志但作一總論統東西鄉言之然自錢湖它堰之外一概從畧并不詳載諸硤閘及水道之昔通而今塞者無以爲後人修復之地李志曹志直襲邱志原文一字不加增損錢志僅附載於山川卷內專據胥吏案牘記現存硤閘丈尺之數卽舊志亦不甚加採取蓋纂修者初不爲鄉邦利病計也今從蔣樗菴先生水利考之例先叙城內河渠次

及東西為二隄堰礮閘橋梁即隨河流所經而附列焉至廣德湖已廢邱志仍與諸河渠牽連並書今另為一條誌其巔末諸碑記則盡錄之使賢守令之心有可考焉

在城河渠

水則三喉橋梁附

城之河渠一水自它山經仲夏而入南門一水自大雷經廣德湖而入西門淫潦泛溢則城之東北隅有礮以洩於江礮閘猶存二水之入城為州民之利今猶昔也

乾道圖經

甬上水利志

卷一

一一

府東河

北通府後池接府學前河南歷府東橋

寶慶志作府東門橋東達鑿街

西抵府西橋

渡母橋

本名杜母寶慶志報恩觀西一名純孝橋西抵行用庫橋東達東渡門

迎

鳳橋

東達千歲坊西抵醋務橋

通平橋河

敬止

支港二一由渡母橋

裏轉西通董廟門內河歷清瀾橋

在清瀾池上亦稱明遠橋俗呼府橋南抵

平橋北達永豐街

通察院門內河出行用庫橋

東達渡母橋西達河利市橋

入挽花匯大河

此支今已淤塞

一由渡母橋外轉東直通縣前

河

據宋羅城圖新增

清瀾池

在譙樓前即今鼓樓東通府東河於渡母橋北西通府西河

於行用庫橋北宋節度錢億浚為火備後州守李夷庚

復浚之以其土培鎮明嶺有橋北直譙樓名府橋舊名清瀾

橋元至治間帥府同知德哥副使沙的重浚築短垣間

護隋水門東扁題曰清瀾西扁題曰碧漪以便民汲今淤敬止錄案今董

廟內關及察院行臺各門下皆其遺址尙有府橋即清

瀾橋可證

府學前河

南通府後池接府東河東歷鑿橋南通費橋北達貢院橋歷乾溪

甬上水利志

卷一

橋寶慶志作石磧橋抵乾磧頭西至貢院橋一名鹽倉橋今稱高遠橋南通鑿橋

北抵費河頭北經飲飛廟前報德橋入費河頭為渠出引仙

橋北達白衣寺前橫街大橋南通永豐街北抵費河頭李衙橋南通東上橋北即白衣寺前橫街

達白衣寺前通府西河參敬止錄

平橋河

平橋舊名四明橋案唐太平三年刺史李文孺建亭其上宋開慶間判府吳潛於橋西立石

書平字為水則寶慶志無平橋并四明橋之名有永濟

橋注云路分衙前景德四年僧惟一建乾道五年守張

津作亭其上嘉定十三年火亭廢於西北廂與成化志
平橋注合必平橋又名永濟也北過譙樓抵寧波衛治
南抵均其河西通月湖東折南歷竹行橋千歲坊一名奢橋光祿橋案

寶慶志迎鳳坊稱南湖千歲坊稱南湖頭蓋自平橋起
西至三板橋河月湖十洲環於內為月湖盡處平橋以
東至千歲坊河其水自捧花橋
來為日湖盡處故曰南湖頭
西達平 曾家匯橋 在章巷橋之
橋街 永安橋者乃廣濟 永巷橋 寶慶志注曾
欄刻 廣濟橋 曾家匯東南即古四柱
橋對北 應云匯東北 廣濟橋 橋東抵漁欄橋直街西
達紫 握蘭橋 舊有握蘭坊故名寶慶志作木欄誤西過
微街 廣福寺前達湖橋東抵漁欄橋直街寶慶
志云 院前東新橋 西過縣學達鎮明嶺直街
照橋 舊有普照尼寺故名東達紡絲巷西 周家橋 新橋
寶慶志亦作奉化南達 龍舌頭入日湖其支流有四
慶寺前北通市心橋直街
一東入市心橋 北達千歲坊 北流為萬壽寺西渠歷廣
南抵漁欄橋

甬上水利志

卷一

慧橋 東過萬壽寺出大梁街巷口抵 柴家廟橋 東出小
口抵 開明橋直街西抵千歲坊直街
壽寺 西直街又西達貫橋直街 至蕭家橋口通縣前
河一自握蘭橋北側東入漁欄橋 又名吳欄鄞土音讀
南達龍舌頭初淤後為里人戴 流為城隍廟後渠 今悉
氏開濬數丈隨復淤遺址尚存
家不可 一自章巷橋南側西入章巷南 今淤在黃
復覓 孫解元鑰居此故名一名孫家橋 為縣
中 南出解元橋 今淤東抵廣濟橋西達紫微街
學後河歷傅家橋 南抵縣學後街北 均奢橋 北抵平橋
嶺 入眾樂橋河西出建碑橋 在月湖東畔昇平橋今名
巷南達鑄 入月湖一自廣濟橋南西入通安橋 曾家匯
治坊巷

志名屨 院橋 與孫家橋一支合 錄 敬止

縣前河

西歷蕭家橋

北抵縣前街 南達大梁街

貫橋

實慶志作千歲橋注周 廣順二年建一名萬歲

橋一名貫橋北達

飯巷橋

舊名慈行南達南 飯巷北達北飯巷

通府東河

東歷黃封橋

寶慶志作皇封北抵縣前 街南達牢城巷抵小梁街

回渡橋

南抵小 巷北達

魏家

開明橋

實慶志一曰通明鄭縣前宋時縣治即按 察分司址北抵按察分司前南達三角地

龍舌頭抵

積善餘慶二橋

鄭清之宅前照池左右俗呼 大池頭積善南達廿九營餘

慶南抵巷俱

琅琊橋

在二境廟拱星坊南達廿 條橋街北達東門大街

做絮橋

廊頭巷東北達廊頭巷南達搬柴 巷案此橋蓋建城開運河後所造

鹽蛤橋

東直東渡門 大街南達車

甬上水利志

卷一

橋 團橋 北直東渡門大 街南達車橋

至近東城斷

今從生薑橋直 出東渡門碑闌未

至團橋數丈南折入生薑橋

北達大街 南達小巷

入葛家橋

東達 東城

下西距東 於橋南東折入四港橋

市船司後鹹塘滙橋 東又稱市船司後橋

斷又自葛家橋歷鹹塘滙橋

海神廟東成化志稱張家 橋四明談助鹹塘之所

以稱滙者以東門進湖西行至團橋轉南經鹹塘滙橋

至小江橋轉西過泥橋再轉北至廿條橋碑闌有此一

大曲也若指市船務後之輿 言止有一橫一直何滙之有

南折入鞞鼓橋

東達東渡 門南街西

達鹹 塘滙 又東南合車橋河又自生薑橋西南折入滑石橋

即俗所謂清水廿條橋直渠

四明談助橋下北首向有 碑闌想當日蓄淡水以灌

田於句江之尾設輿至建城後為儀於漕運始開河直 至生薑橋與進城江浦相接遷碑闌於東門津次變江

為河而名仍其舊故今之澄濤橋寶慶志稱小江橋入
至乾隆間邑令錢維喬浚河廿條橋之礙開始滅

東壽昌寺橋 俗呼釘打橋即冲虛觀前大街左 又南折達破石河頭橋

嘉靖志作伴食橋南達江心巷俗稱家井巷北抵冲虛觀前街 敬止錄

嶽廟西河

北歷車橋 東出靈橋門西入小江橋 寶慶志積善坊北

橋大 **為渠歷迎春橋** 成化志作林家橋在小江橋側全捷營前北抵直街南通小巷直出

街 **車橋** **寬橋** 成化志作泥橋北達搬柴巷南達江心巷合

是泥橋江浦有支港轉南江心橋注云塗漲橋塞應 **又北通鹹塘匯河**

大街上旁有江心巷然今不可考矣 **南歷皂莢廟橋** 東抵東城西 **鄧江廟橋** 東抵東城西 **石**

甬上水利志

卷一

橋 四府 **至明州橋** 寶慶志南寺前直南南抵南城北抵

鄞江廟前河寶慶志至成化志俱稱東河際以外即為甬江內蓄淡水灌田稱甬水村此河瀕江為東河之邊

際 **人於日湖為延慶寺前一支西入獅子橋** 寶慶志與

也 **江廟橋側南達塔** **歷興教橋** 今各大橋北抵沙泥街街境

兒橋北達車橋街 **戚家橋** 北抵沙泥街忠信巷南達直 **大福橋** 北抵沙泥

積南 **長石橋** 北入塔前路 **西經塔前至王監橋** 西即龍

倉巷 **入日湖此為天封塔東河也一支西入青龍橋**

南倉巷 **歷袁學士橋** 獅子 **行宮橋** 今稱驗點橋相傳

東達軍營 **西抵官路** 橋西 **又北折通沙泥街河於大福橋**

寺基每遇點驗馬匹令 **過此橋不使契混故名**

東敬止

天封塔西河

北歷天封橋

西達壽昌寺巷東達沙泥街

福明橋

寶慶志景福寺東今賊隍廟東俗呼

石柱橋西達新橋東達皂莢巷

洗馬橋

寶慶志新寺後門東達新街

新牌橋

東

車橋西抵大街

泰和坊橋

東過冲虛觀達鹹塘匯西達大梁街

隱仙橋

冲虛觀後東達大池

頭西抵大街

通縣前河其南至甄橋

西即龍舌頭東達塔前路

過王監橋

甄橋

入日湖於龍舌側

據寶慶志王監橋在戚家橋東在龍舌頭者為史學士橋敬

錄止

南水門裏河

甬上水利志

卷一

即所為甬水也源自它山入南水門東入清洞橋

舊名甬水

門裏橋俗呼兵馬司橋案宋圖舊名錦照南出甬水門北達傳桂坊大街

東歷洪橋

南抵南城北達

捧花橋

北歷水月橋

東過延慶寺西抵洪橋路

採蓮橋

東達塔兒橋路西即直街寶慶

志南寺前

即為日湖而於清洞橋內北有藕花槽

俗呼牛尾巴槽

一

支自採蓮橋邊東入歷行香橋

延慶寺後寶慶志舊日焚香採蓮橋東

塔

兒橋

旁有石橋南達明州橋北達獅子橋

通嶽廟西一帶河又自南水門

直北歷桂芳橋

東抵南門大街西達長春道院宋高閣居此兄弟五人登第故名

西經

靈應廟前歷晝錦橋

俗呼大廟橋宋樓氏所居舊有晝錦坊故名東抵廟前街西入王家

墩北歷尙書橋

因宋尙書汪大猷所居得又各汪運使橋東抵鎮明嶺大街西達王家墩

縣社壇橋 一名勞家橋宋時縣社壇在焉今有社壇廟俗稱南社壇橋東過大街達寶雲寺巷西達

湖心 韓家橋 俗名碓嘴又名永安東抵鎮明嶺大街西達鑄冶坊巷 衆樂橋 案宋圖在

東橋 韓家橋 明嶺大街西達鑄冶坊巷 以上俱傍鎮明嶺

橋俗呼湖橋頭東直衝縣學後小巷

右直北下又北歷柴家橋九曲巷橋後所營橋寶奎廟

側橋 以上四橋俱一直北對下東抵武鎮坊至平橋直街二丈許 至平橋水側左入

月湖又一支自桂芳橋直進入倉橋 東抵大街西達鎮明嶺 歷褚

家橋 簡要志云受家廟橋注北抵蔣家帶巷南達捧花橋疑卽此褚及音相近之訛又今之聚福廟橋亦是

疑 通普照橋一帶河 見平河 又自褚家橋側北入爲前所

南上水利志 卷一

止 錄

府西河

卽古子城之西濠其北行西入祝都橋 北抵頂戴橋南達火筒營巷

爲屠家橫河又自祝都橋直北行西入頂戴橋 南達祝都橋北

抵東 爲金家橫河又自頂戴橋側直北行西入東上橋 北達北

上橋 爲金家橫河又自頂戴橋側直北行西入東上橋 北達北

北抵孝聞坊南達頂戴橋俗以橋側 至西上橋 北達北

有小橋名爲東雙橋西上橋亦然 市巷 俱西通天寧寺西河又自東上橋側直北入忠佑

廟門橋循道衙西八塌水橋 今稱秀水橋南通東上 至

李衙橋 南通東上橋西卽白衣寺前橫街 西折 白衣寺西斷又北折

入白衣寺西小橋北行繞白衣寺後其東過李衙橋入
大橋南折數十丈斷其北折入引仙橋通費河頭河其
南歷府西橋寶慶志作府西門橋東過清瀾池口歷行
用庫橋通西水門裏河錄敬止

天靈寺西河

其北行過烏龜潭西入楊家橋南達西門大街為橫河

經章銀橋北達西河營入烏黥橋因董孝子故名近避

西門大街北向北折西歷大雙橋東達烏黥橋達西門

界河與西水關來水會今河已大半淤塞又自楊家橋

甬上水利志 卷一

外側北行入芳嘉橋寶慶志作方家西抵河西入水浮

橋南達楊家橋為橫河入永安橋南達都憲橋橫數丈

南折入都憲橋西抵西城下東與烏黥橋橫河合又自

水浮橋外側北入林鱗魚橋東達西門街西洞橋林鱗

內至西上橋東側合橫河東則通東上橋西歷觀音寺

基西河營入許家橋北達北門南北折入魏家橋東達

廟西達近入圖浦舊有穴城水道分水落東折細流至

白衣寺西側又自西上橋東側北入四港橋東達東上

音寺歷渡母橋東達李衙橋亦通白衣寺西側俗稱天

字號河棚者今塞矣其許家橋東側南入數丈斷其南

行歷河利市橋東達行用庫橋通西水門裏河錄 敬止

西水門裏河

源自大雷林村入城西水門歷迎恩橋一名仁安北抵大街南抵褚家

巷濟府社壇橋大德元年重建改名大德俗稱西虹橋俗

虹為降北達虹橋巷抵鳥惠政橋俗名天寧寺橋北直

出貫船巷抵水仙橋東至石灰埠折北通行用庫橋南

西小巷直接西城下歷醋務橋舊名酒灣西達惠政橋大街東踰平

一支自府社壇橋歷經閣橋福聚巷右明嘉靖通菱池

南上永利志 卷一

頭河 敬止

水仙橋河

水仙橋舊名感聖一名緩帶又名袞繡案宋刻月湖圖

聖崇教二寺其坊曰緩帶通醋務橋故橋亦以坊名名

之是時史彌遠相府右鏤觀音橋即虹橋左鏤此橋袞

繡之名更於此簡要志謂袞繡北達醋橋南達虹橋與

宋圖合又考縣北保豐碑老人失壽甫嘗建言廢在城

袞繡橋石修之則知袞繡古蹟已廢今之水仙橋蓋規

故址而小之無復昔時之傑制也水仙云者以側有水

仙廟俗稱水仙廟橋又案嘉靖志列此橋無注別列

袞繡橋於虹橋之後注云史相府前一各緩帶且誤以

今虹橋為感聖橋殆未見宋圖而月湖其河東通月湖

西畔虹橋左右將何處安頓此一橋也

西歷青石橋東達袞繡橋錦里橋即三板橋北抵聚福

橋在尚書楊康簡公守隨宅前楊以兄弟尚書故橋以錦里名為菱池頭本與西水門

裏河通後為主事聞源塞斷水南流入其宅內設水門

閉之為已有今屬天一閣范氏

敬止錄

明邑人陸世科張邑侯大浚城渠記鄞侯張公浚復城渠泊宏四鄉水利役竣邑父老子弟歡然手額曰今而後吾儕之長子孫而康粒食皆侯賜也敢世世不忘侯之勞勩咸乞予言紀諸石以告來者俾守成緒如一日余惟一著而備六曹之事者無如令諸河渠嘉肺錢穀農桑簿書營繕之屬靡一不關職守然亦視邑所最棘

甬上水利志

卷一

十一

者宣勤於夙夜而若吾鄞則所棘無如河渠何者鄞負海枕江民稠而地鹵薄即遇有年歲之入不足供歲之食郊以外倘困天吳妨稼猶十之二三因蠅蠶且損救十之八九若城中十日不雨不第舟膠於渠民又病汲矣顧大江自蛟川蜿蜒東來至桃花渡口一折而北流一折而南流劃然中分吾壤而支流則紛綸莽互隨處與河渠相距所恃惟咫尺之隄圩為坊磳闡為之封洩在東偏則東錢一湖居上流司瀦東岡一磳居下流司封洩在西偏則它山一堰司洩司瀦西津一壩風堀長

春諸隄坊洩穴城引水注爲日月兩湖疏湖之派如縷
修渠引帶環萬家之烟火而又提封洩之衝於平橋水
則前人之法備矣顧比來新者圯故者湮疏者梗支東
訕西之歎爲令者無日不仰屋焉歲壬戌侯以歸安移
繁吾邑視城中東北陬地亢甚且乏一縷之流稍旱井
竭輒走數里西南汲於湖無論負戴惟艱鬱攸莫禦且
脈絡闕而不貫故東北之登雋較西南遠遜焉侯議浚
復故渠爲士民百世利猶念日湖源它山月湖源桃源
藉令泉竭漏卮卽兩湖且告涸安所疏衆流哉於是因

宏水利以營版築又因課農桑勸爭業以核水利歲無
虛月月亦無虛旬概邑之關鍵爲壩四爲閘五爲塘十
爲磬二十八爲堰七十有七靡不在劬毖至最爲一邑
喫緊者江以西南則閘治它堰築風棚埭廻諸山之水
於渠西則重築西津壩俛無漏諸山之水於江江以東
治東岡虞封洩太過增東錢諸磬使萬頃一波所瀦恒
足三渠有半侯曰夫今可議疏城渠矣遂於癸亥年十
月經始晨起坐堂皇了一切公事卽巡行委巷以勞來
其民命傍渠之家分尋尺取土從事者如子來閱月疏

導殆盡嗣天雨隨處以竿測水諸不中程者更浚之入
春大雨復乘舟核深淺偶遇中梗又再浚之遇水漲可
深八九尺卽水落亦深五六尺猶念淤土無歸浚猶不
浚也稔得長春一塘界於江渠間如馬蠶不護隄址隄
必壞遂復募夫百捐俸僱民舟四十載祖礫護隄由是
城渠故道無弗盡刷永豐和義東渡靈橋四城隅百餘
年不見舟舫者今蕩槩之聲盡日識者謂浚渠有八利
展然哉猶念四郊磳堰道里遼遠待旱潦而議封洩晚
矣復濬水則於平橋淤土中視平字出沒準啓閉而西

郊之新河洩王氣不渺并徙積土築塹養漕中冀後來
之甲第雲起是役也浚內渠因固外圩濬外渠遂盈內
渠斥鹵之鄉因成沃壤卽風雲嘉會城南北行並鼎盛
矣昔史起鑿漳鄭國導涇倪寬穿六輔渠皆貽後人美
利至今頌之不衰跡侯所行水通與情於成法中以創
爲因鑊心嘔肝拮据婉摯又超前賢而上之矣侯諱伯
鯨字瀚伯籍直隸揚州府之江都萬歷丙辰進士
國朝士民感頌汪郡伯浚河碑記郡名寧波蓋取海定
則波寧意也其水利之大者左襟海右帶江固無俟於

浚導矣。若其內河道發源一由四明山行口十里折於
它山。又行七十里而入郡城之長春門。一由大雷山迤
邐滄涵三十餘里折於桃源。又行五十里而入西水關。
滙於日月兩湖。支分派別。其周流於郡城外者。村烟霧
列。阡陌雲連。滋灌溉。通舟楫。民咸賴之。官斯土者。自唐
邑令王公元暉。陸公南金。宋則郡守李公夷庚。使相吳
公潛。皆殫力經營。勞心水利。載在志乘。班班可考。至明
季湮塞。幾如斷港絕流矣。至城中水道淤滯淺隘。蓋有
不可言者。乾隆七年春。廣陵汪公名奉超

命由尙書郎來守是邦。甫下車而廣樂育。厚民生。修舉
廢墜。方將大有造於茲土。乃不旋踵。而是冬十月。卽以
憂去。口念勿忘。明年春。特捐己帑。運自維揚。自估修學
宮一千二百四十餘金。助贍育嬰堂五千金外。又以二
千爲浚河經費。口口興工。先清僇估。以開廣其道。次拆
河棚。以疏通其氣。流之淤塞者。掘之。使會於大河。岸之
崩頽者。築之。俾齊於漕。口工非一工。自春徂冬。候非一
候。且淘出泥沙瓦礫。處處如山堆積。則裝載口船。以固
長春塘。而近江之水患息。各處支河。淤塞難治。則晝夜

車戽以通其血脈而闔城之水利興遂使寧郡數百年來久淤河道一旦俱通不惟人心大快從此地氣亦且上召天和旱澇無憂而豐亨有象矣利民裕國之舉孰逾於斯然謀始者未必謀終有美勿增有善維不□□□□時則恭逢觀察葉憲又爲籌畫萬全資斧無憂不給更賴提督陳憲諭民兵協力事無推諉刺史魏公計久遠定規模兼之司馬陳公別薦周公與明府傅公復圖度區畫盡善因地制宜而巡司鄭君又殫心督理行所無事不踰年而告厥成功堪垂永久克繼唐宋前

徽則郡侯去後之恩尤深而各上憲同心之舉咸欲銘諸金石用傳奕禩偕河流永潤於無盡也是爲記

日湖

宋嘉定間丈尺圖甬水門東錦照橋取浮木橋一帶湖港長一百十丈八尺方七丈屋後取竹墅三丈二尺趙侍郎水閣取南城下七丈九尺浮木橋取延慶寺橋二丈九尺延慶寺橋取採蓮橋七十四丈五尺延慶寺荷花池取西官路三丈四尺池中取官路二丈六尺延慶寺牆取西荷花池十二丈六尺荷花池取採蓮橋港口

五丈五尺採蓮橋取捧花橋一帶小湖五十八丈陳少師屋基側取西十二丈六尺門樓基取西九丈一尺樓輅院屋基取西十六丈八尺志成四明山水自它山入南水門濬為日湖郡治東南一名細湖一名競渡湖昔有鍾黃二公競渡於此縱一百二十丈橫二十丈周迴二百五十丈有奇今僅存湖之名而已乾道圖經以為小江湖非敬錄上有四橋曰採蓮橋水月橋行香橋塔兒橋見前宋王應麟小江湖辨唐志鄆縣南二里有小江湖溉田八百頃開元中令王元暉置民立祠祀之按九域志即

它山堰也今有善政侯王長官祠郡志指寶慶志乃謂城中之小湖誤矣圖經云小江湖在鄆縣南二十里唐貞觀十年縣令王君照修與唐志不同唐志又云東二十五里有西湖溉田五百頃天寶二年令陸南金開廣之蓋今之錢湖也南豐記云鄆東鄉之田錢湖溉之西鄉之田廣德湖溉之唐志鄆縣東有西湖西有廣德湖可以見西湖之為錢湖矣郡志以西湖為今城中之西湖亦誤

元袁桷小江湖辨舊志小江湖在縣南溉田八百餘頃

蓋卽縣令王元暉所濬九域志言它山堰是元暉建今有祠在堰側今惠光院舊號小江塔院正在西南則小江湖其地相近旁有千丈鏡支港尤多以是得名而城小江蓋由靈橋之小江里非小江湖也

月湖

宋嘉定間丈尺圖南城下至竹洲五十一丈竹洲取湖心寺前三十八丈八尺湖心寺後至逸老堂一十九丈五尺湖亭外椿取碧沚八十八丈一尺碧沚取紅蓮閣四十一丈樓三學士宅取樓安撫宅後四十九丈六尺

甬上水利志

卷一

七

南城下至樓安撫宅後六丈三尺自此取南水門一百四十七丈錦里橋取竹洲西岸七丈三尺汪尙書宅取竹洲東岸九丈九尺徐運使宅取湖心寺西岸二十一丈趙敷文賃屋取湖心寺東岸四丈四尺楊侍郎宅取湖亭西岸二十一丈馮統制宅取湖亭東岸一十八丈八尺豐尙書宅均處至觀音橋五十六丈八尺感聖橋至碧沚西岸二十四丈九尺碧沚東岸至史越王府八丈二尺史越王府至史丞相府街五十一丈九尺船坊取西至民屋後二十二丈七尺五寸

成化志

四明山水一

自大雷經舊廣德湖入西門濬為月湖郡治西南一名
西湖縱三百五十丈衡四十丈周迴七百三十丈有奇
今則四旁民居日侵削為地廣長減十之六七而所有
汀洲島嶼不可復識矣敬止錄連支流上有十二橋曰
憧東橋一名昇平又名湖東以在四明驛東俗稱館驛
宋天禧五年僧德臻建乾道五年守張津建亭
於上東達湖橋 憧憧西橋一名儉清一名湖西二橋明
天順間守張璠為大司寇陸
珍建坊於橋西改名尚書橋東達館 湖心東橋舊湖心
驛橋西達聖功寺巷橫達湖西大街
西達西橋東 湖心西橋萬湖心寺之西東達東
達鑄冶坊巷 橋西達大街 錦照橋舊湖心
通竹洲以洲中舊有錦照堂故
名今俗呼貼水橋者即其故址 錦里橋竹洲之西為宋
學士趙彥逾宅

甬上水利志 卷一

六

又名五馬以彥逾嘗典鄉郡也 虹橋廣盈倉之左倉基
今俗呼莊衙漕橋者即其故址 橋亦名觀音成 問字橋花果園廟之右明嘉靖間尚書
化志誤作感聖 張時徹既廢湖心寺為已書院
乃建 建碑橋月湖東畔北達府基
此橋 巷南達鑄冶坊巷 水仙橋 青石橋 三版

橋 見前 聞志

宋舒亶西湖記湖在州城之西南隅廢久矣獨西隅存
焉今西湖是也其縱南北三百五十丈其衡東西四十
丈其周迴總七百三十丈有奇其中有橋二絕湖而過
曰憧憧天禧間直館李侯夷庚之所建也然僻在一隅
初無遊觀人蹟往往不至嘉祐中錢侯君倚始作而新

之總橋三十丈橋之東西有廊總二十丈廊之中有亭
曰衆樂其深廣幾十丈其前後有廡其左右有室而又
環亭以爲島嶼植花木於是遂爲州人勝賞之地方春
夏時士女相屬鼓歌無虛日亭之南小洲前此有屋纔
數椽乃僧定安守橋之所後浸廣今遂以爲僧院壽聖
是也其西又有佛寺四并其東皆鄉士大夫之所居其
北有紅蓮閣大中祥符中章郇公嘗倅是州實始創之
有記在焉閣之北卽郡酒務故時使人卽湖以汲水勞
費甚乃隄湖之中蓄清流作樓於其上以轆轤引而注

之至今以爲便然是湖本末圖志所不載其經始之人
與其歲月皆莫得而攷蓋嘗聞之父老明爲州瀕江而
帶海其水善洩而易旱稍不雨居民至飲江水是湖之
作所以南引它山之水蓄以備旱歲始末之信也熙寧
中歲大旱合境取汲於其中湖爲之竭旣又穴爲井置
廬以守之郵令虞君大寧嘗記其事刻石於壽聖院乃
知父老之傳不誣也錢侯去距今幾三紀矣而湖輒浸
廢不治其亭南旣隄以爲放生池瀕湖之民又緣隄以
植菱芡之類至占以爲田淀淤蕪沒幾不可容舟元祐

癸酉劉侯純父來守是邦適歲小旱乃一切禁止而疏浚之增卑培薄環植松柳復因其積土廣爲十洲而敝壽聖之閣以其名名之葢四時之景物具焉湖遂大治然其意初不在遊觀也古人於事蓋不苟作惟其利害伏於久遠難知之中所以後世貴因循者或莫之省而好功之士至樂爲之紛紛也明有數湖危於廢者不獨是湖也若劉侯可謂有志於民矣故具論之以冠諸圖庶來者有考焉元祐甲戌三月

水則 縣治西南平橋下宋寶祐間丞相吳潛來治郡

甬上水利志

卷一

三

三年凡礮閘堰埭皆爲修改又於郡城平橋南立水則書平字於石視字之出沒爲啓閉瀦洩之準且空其旁地使守令車馬過輒見之卽時稽察水候可否明嘉靖十三年知府鄭威建社學於空所失初意矣後百有餘年社學久已不存而水則盡埋入瓦礫中

國朝順治七年海道王爾祿開掘乃克復見水則考寶慶志議曰礮閘之設必啓閉得宜則水有所洩旱有所瀦水常爲利其或當啓而閉當閉而啓則胥爲害矣四明水害至民居沈竈禾稼生耳者無他惜水太過諸礮

不盡放故也淳祐二年夏淫雨不止者兩月餘一飽壞於垂成郡守陳塏籌之遂置平水尺朝夕度水增減以爲啓閉大概郡城河濱之水常以三尺爲平餘可類推過平以上則當洩間數夕暴雨水驟漲至四尺有奇守夜聽雨聲日視水則時常啓閉率分遣官吏四出斟酌尺寸爲放水分數亦或盡板一決城中三喉晝夜使之流通是年雖積澇穀米蔬果一無所傷乃以稔告蓋常年放水田氓告之都保都保告之縣縣告之郡往復行移動經數日水之溢者已壑稻之漫者已芽今州縣一

甬上水利志

卷一

三

聞雨驟水泛不待都保縣道申到放閘之人已遣行矣防患未然後所當法也

李志

嘉慶二十四年觀察陳中孚

浚河以平橋爲水道要口加倍開闊北岸多厓舍不動南岸開至小街旁有老礮仍在水則平字於瓦礫中尋出仍立原處

四明談助

道光二十六年慈谿國學生潘鉉重

修新增

宋制使吳潛水則記四明郡阻山控海派於江其勢界達於湖其勢高水自高而卑後納於海則田無所灌注於是限以碶閘水溢則啓涸則閉是故碶閘者四明水

利之命脉而時其啓閉者四明碑闡之精神異時加意於碑闡者至今猶有遺論此未暇問也而考其爲啓閉之則曰平水尺往往以入水三尺爲平夫地形在水之下者不能皆平水面在地之上者未嘗不平執三尺以平水嗟乎異哉余三年積勞於諸碑至洪水灣一役大畧盡矣已未勸農翠山自林村由西門汎舟以歸暇日又自月湖沿竹洲櫂城南徧度水勢其平於田塍下者刻篙識之歸而驗諸平橋下伐石爲準榜曰水則而大書平字於上方暴雨急漲水沒平字戒吏卒請於郡丞

啓鑰若四澤適均水露平字鑰如故平橋距郡治巷語可達也都鄙旱潦之宜求其平於此而已余數丐歸老行且得請然於此郡之豐歉不能忘故置水則於平橋下而以平字準之後之來者勿替茲哉

國朝郡守楊鉅源重修水則亭記水則亭者宋寶祐間觀文殿學士吳毅夫丞相判府事時創建也亭在城南四明橋下取適中之地測量水勢鑄平字於石上城外諸碑闡視平字出沒爲啓閉民以是無旱潦憂稱四明橋曰橋平橋下之東立廟祀公紀公績而報公德也自

宋迄今垂六百餘年歷時既久幾就淹沒

皇上御極之元年前觀察陳公勤求民瘼因疏濬城河得是石於古址乃重加修葺俾復舊觀碑記具在食舊德者猶能稱述不衰水利之關係民生大矣哉古者溝洫畝澮之法用備水旱盈者注之涸則存之宣洩得宜故能豐亨履慶災害不生民食足而民氣恬焉甲辰春余奉

命守越中展謁先朝名宦湯太守廟於三江口周視二十八閘取上應列宿之義置田納租歲修有常費固宜

完好鞏固久而彌新洋洋乎前徽未墜也去秋九月調攝寧篆考郡志知吳公立水則於城南按圖履勘則石猶存而亭已圯謀所以鼎新之務與越中湯太守應宿關兩相屹立天下事利與害原相因前賢類能收其利防其害與斯民相養於無疆惟休亦無疆惟恤後之膺是任者竟聽其或有或無漠然無所動念於其中畱心民事者豈至出此上冬積雪凝寒春復陰雨不斷未遑集事入夏以來暘雨應時正擬卜吉鳩工適慈谿上舍潘君鉉毅然以獨任是舉爲請以此見人之好善誰不

如我且君子莫大乎與人爲善善之在人與善之在已
奚以異遂允其請而勉之潘上舍庀材命衆踴躍赴功
不踰月而葺事余謂吳公當日之剝斯亭也祇爲民計
安全耳而民之報功者至今且繫遠思口碑勿替則夫
後之人苟有勤施於民民亦將思念而不能忘觀斯亭
者宜何如感發而興起也上舍急公好義修舉廢墜其
志亦足嘉尙故於其落成也爲之記以誌嚮往之私云
爾

三喉 至正續志水喉閘在東渡門牆下都稅務前

明四

談助都稅務在東渡門內門臨大街街南卽水喉碑見
寶慶志圖故舊志俱云水喉碑在東渡門牆下宋之都
稅務前也元因宋舊址至至正元年重建見至正續志
至明洪武間移都稅務於街南故海神廟地卽故城守
署見敬止錄因憶前開河時尋喉道別於大街之南深
泐一溝見下有條石實砌如河砌未解其故今始知宋
都稅務之
照牆脚也以板爲閘潮長則與板平市河之水充溢則
啓閘以洩於江食喉閘視氣喉閘稍小在市舶務之南
牆下止用洩水不通江潮氣喉閘在獅子橋東舊鄞江
廟側舊圖同皆穴城出水者

敬止錄

國朝乾隆五十年邑令錢維喬修復喉道誤以食喉爲
水喉別開食喉於靈橋門側後令周揆知其錯而填滅

之嘉慶二十四年觀察陳中孚因疏濬城河搜訪故址

三喉並行開復

新
增

國朝觀察陳中孚浚復城河三喉記予始至明州覽其地大海環匝而噏吸民生利害所係莫要於水利城中舊有河經支計四十五道堙塞過半稽諸志乘宋吳丞相潛置水則於平橋之南下刊平字於石視其出沒以爲啓閉則城河實衆水之標極焉水自四明諸山發源從西南二水門入城東北地隆起流無所洩自唐刺史黃公晟建羅城穿城爲水道以通江至宋而有水喉食

甬上水利志

卷一

五

喉氣喉之名古之稱水者或原也或委也向無三喉則原委之義不備其始置之意乎乾隆五十年邑令錢君維喬從紳士請集貲疏浚未得半而止食氣二喉畧復其舊水喉悞以靈橋門內小溝當之蓋因明以來郡縣志紀載俱失其實惟宋寶慶志圖說甚明郡城藏書之家缺軼首卷無可徵信邑紳黃君定文赴武陵文瀾閣抄得之參諸高武部敬止錄所載始確知經東渡門南首次大城穿甕城東出者爲水喉而吳丞相水則平字亦同時掘得故道前人成蹟乃沒於唐宋以來

數千百年塵埃瓦礫之中一旦軒豁呈露其亦有數存與先是江右楊中丞捐廉三千金以備海疆不虞適興茲役請於公挈而助之又自割俸千金爲之倡於是集夫匠操畚鍤居民佔葢河基者悉令遷還狹者闊之淤者浚之斷者通之工始於月湖提其要也次經河挈其綱也次支河理其緒也河寬二三丈至一丈二三尺有差深一丈五六尺有差於闐闐湫隘之區設水倉四十餘處俾兩舟相值交讓而行修改橋梁六十餘座撒而新之食喉氣喉導其壅遏而已水喉適修城之便伐木

采石於城根作背負之勢上橫以梁旁甃以石中矗以闌又近裏爲閘狀設板禦潮河溢則啓放以時流東北至四明驛會氣喉水過船廠歷羊府廟前入江以達於海皆循其舊非創也浚起污泥運載城外繼增江海塘隄又於甬東沿江築塗地願售者聽取其值充公用經始於嘉慶二十四年四月告竣於道光元年七月度支三萬緡有奇民不知役鼓舞懽頌之聲不絕於耳何其淤之久而成之易與抑本其興舉之由而皆自於人與是時郡守姚君令俞縣令孔君龍章署縣令郭君淳章

董其役首事黃君定文張君烜湯君桓馬君士龍縣書
張永懷尤實力勤瘁其事朝夕相度不遑告勞捐輸各
紳士如亟家事皆當勒名於石以垂不朽後之人尚視
茲哉是爲記

邑人黃定文復水喉記鄞城之有水喉舊矣然其名僅
存其迹若滅若沒不可詳攷大約始於吾祖刺史公建
羅城時則已有之而書缺有間無復可徵其明晰可依
據者莫備於寶慶志之羅城圖於東渡門側畫水道曰
水喉磳而都稅院卽臨其北又循城而南至市舶門北

爲食喉磳又南至鄞江廟前爲氣喉磳三喉踪蹟羅列
宛然而吾鄉藏書家所貯寶慶志俱闕其首三卷雖前
輩博極古今者求其書不可得見乾隆五十年知縣錢
公開復三喉乃誤以食喉爲水喉而於其南尋得小溝
穿城者爲食喉郡人多有疑義溝亦旋塞戊寅春郡人
有浚城河開水喉之議觀察陳公中孚邑侯孔公龍章
力主其議而水喉故蹟終未有定余閱四庫全書提要
見有寶慶志全書乃請於當道就
文瀾閣錄其首三卷并圖以歸於是家日曉然知水喉

之在東渡門牆下實宋都稅院前無可疑者然其地爲商賈滙集之所民皆駕巨屋其上不可動觀察公督責益勤孔公及繼任郭侯亦力任其事先於月城中掘得其蹟則寬闊倍於食喉兩岸石砌堅潔中皆撐以十數圍巨木工緻密栗爲近今未有於是循蹟施工則屈曲穿月城東牆而出凡民屋當喉道者皆拆去以至城外一律循故道開通巨屋當道者尤夥盡撤去無敢違者喉道凡九曲至四明驛乃會食喉下流以注於江於是就江口撒故閘而新之堅厚宏偉倍於舊設閘夫以司

啓閉會其年縣方領帑修城則盡撤城垣址益搜掘喉蹟凡昔時以巨木擋柢者木旣毀則易以巨石兩岸益用巨石堅築如舊有加焉遂直接城河呼吸相通潮大時可至鹹塘滙以南水潦則啓閘奔放如注而城河之淤濁遂以一清於是六七百年若滅若沒之古蹟乃始顯然呈露而收其功人皆頌陳公及孔郭二侯之德不衰而益知

國家開四庫館搜羅遺籍其爲功於斯民不淺也嘗考錢志竊謂其所以致誤者實緣於魏峴之它山水利備

覽其所稱曰二壩曰氣喉曰食喉曰又有水喉而唯氣喉通江與寶慶志圖顯背魏與修志之胡公同時不知何以致誤如此然至正續志所載喉名喉址皆一一與寶慶志合而莫謬於聞志以東渡門牆下之喉爲氣喉而水喉則云在靈橋門左喉名喉址皆顛倒錯雜遂啓錢公誤開小溝之失今則書既有徵地復顯列乃於工竣之後志其始末使後有考焉

邑人徐兆昂三喉說三喉之名本無謂乾道圖經僅云城東北隅有碶以洩水至寶慶志始有三喉之名顧寶

慶時去乾道時不遠水之洩江圖經明云碶石猶存寶慶志何以不云水從市河碶闡直出而渾云水喉在東渡門牆下至紹定元年守胡築闡於朝但云禁民居立屋以塞氣喉食喉者並不提起水喉卽宋末魏廬陵峴所著水利備覽亦云詢諸耆老僅知氣喉視食喉稍大經都稅務前在東渡門牆下不特不明指所在并所稱喉名亦不清想因當時兵燹之後主事者惑於形法家言滅其直出之故碶而別開碶於鹹塘漚明時都稅務前以致守令不敢明言又嫌其太小更開碶於市舶務前合獅

子橋之故磬而爲玉遂加以水喉食喉氣喉之名而不
順自然之水性皆因講形法者之誤人也昔謝山先生
嘗言蛟門李君陟茲遊郡城至五臺寺東云此地宜有
水道入江而竟無之至平橋之下又云宜有水道入江
而亦無之此亦泥於形法之言也而謝山信之况其它
乎乾隆五十年間錢大令維喬因疏城河兼訪三喉故
址惑於盧月船之言而以明時都稅務前者爲水喉更
尋食喉於市舶務前其說皆本於謝山先生議復三喉
之文第謝山之時東門河道填爲平地已數百年惟餘

甬上水利志

卷一

三

生薑橋磬闌一柱故誤認開於明都稅務前鹹塘滙者
爲水喉而云惟水喉尚有遺蹟月船之時正值開掘東
門河道開至城下將近橫街見有磬闌兩柱平直完固
埋於地下何以反稱此係未建城前之磬闌將其柱與
生薑橋之柱一并放倒而仍開市舶務前之喉此則不
可解也後數年周邑侯揆蒞任大議此舉之錯當卽填
滅將欲開東門之磬闌并重修縣志未幾病卒又數年廣
太守善畱心水利令衆紳士具呈興辦已掘出東門城
梯下直出至方井頭水道正將辦理爲不利於開者阻

撓事復中止。要而言之，靈橋門之碑爲後人誤開，可不
必說。獅子橋之碑，至長春塘落江，所以洩南路水也。今
長春塘已塞，或此碑不設，南路水并出於鹹塘，亦無
不死而所重在東門之碑。若嫌其太小，不足以洩水，或
變穴爲門，可通舟楫。城外築壩，城內照古制運河開闊，
設緯路連築圓洞大橋，將小街變作大街，闡廣舖戶，洋
行俱可臨河布列，豈不甚善。惟俟氣運之至耳。茲因新
縣志內有月船食喉八辨，恐再誤後人，故詳言之。
乾隆五十年修復三喉，示禁碑文正堂錢爲永遠飭禁。

事據各紳士呈請捐資復喉濬河，以期利濟。奉提道府
憲批飭遵行在案。今三喉業經開復，經支各河亦俱一
律淘濬，誠恐兵民人等不知條禁，日久漸淤。除現行出
示曉諭，遵行外，合行勒石永禁。所有條則開列於後：
一、三喉出水最宜通暢，現於喉內近城橋洞，添設木樁，
以闌水面浮草斷梗，一切污淤等物，俾水流澄澈。每遇
水大之時，著該畧地保於各該處照管，隨時撈淨，以防
淤塞。倘日久該保玩忽不行，經管無論紳士兵民，許卽
報明責處。一、三喉內各設有闌板，飭令各該保收存。

遇有秋汛大潮著卽時閘止以免鹹水入城 一經支
各河有礮石崩頽者著該保報明卽押業戶隨時修築
如實係無力修築及官街地面卽著莊首估計於畝內
按戶出資公修如敢玩延推諉許該莊首稟明押辦
一河身上不許搭蓋棚閣如有隔河房屋欲通往來只
許用板橋寬不得過四尺旁用木欄并不許搭蓋竹席
篷屋其橋板離岸升高三尺俾水滿毋礙行舟違者許
隣保呈報責處押拆 一河身浮浸木竹往往上堆土
石取用時隨將土石落水最易填淤深爲水利之害嗣

後如有復蹈前轍許隣保呈報責處並卽押令淘深
一東門城內外有開設棕鋪及織席爲業者棕屑草皮
毋得仍傾河內違者許鄰保報明責處外差押淘浚
一有淘沙生業者止許在城外河寬水深之處淘漉不
得於城內各河淘沙違者許在城就地居民投保呈明
責處 一附近居住兵民貪圖近便傾倒灰泥穢物等
類最易填塞河身應行飭禁違者許鄰保指名稟究
三喉總閘 東城外江浦白羊廟前進水宋時潮汐直
至水食兩喉內蕩滌市河穢濁又恐水盡鹹鹵故近喉

各橋俱有闌城外未設壩難通舟楫故亦不建水門卽以江浦作濠城中市河自西門入城至大池凡三大曲自二境廟東入廿條橋河至鹹塘滙自南而東而北又一大曲始直出東門月城今從二境廟東歷琅琊橋做一架橋鹽蛤橋生薑橋直出水喉至方井頭再轉北落羊廟浦通謂之界河嘉慶二十四年浚河新設閘於羊廟前題曰三喉總閘四明談助